

## Heā te uiga o te Hūiga o nā mea tau Akoakoga mō gāluega faka-tekinihona (technician) ma fefahakatauakiga (Reform of Vocational Education) mō nā tino akoako Pahefika (Pacific learners)

Ko te Malō na fakaali ē ia tana peleni ke fai he hihitemi o nā mea tau akoakoga mō gāluega faka-tekinihona ma fefakatauakiga (vocational education system) e mākeke ma tūmau mataloa. Ka fehoahoani ke fakalelei ātili nā hikili o tagata Niuhila uma e tuha lava pe ko te ā te tūlaga e i ei kilātou pe ko te ā te tūlaga o ā lātou akoakoga ma gāluega mautū e i ei, ma ka lagolago he tamaokāiuga olaola lelei.

Ko te lalolagi o gāluega e vave te fehuiakiga, ma ko nā mea tau akoakoga mō gāluega faka-tekinihona ma fefakatauakiga (vocational education) e manakomia ke fakamāhani ka ke tūmau pea i mua o nā hūiga iēnei. Ko he hihitemi o nā mea tau akoakoga mō gāluega faka-tekinihona ma fefakatauakiga e mau ma mākeke kā fehoahoani oi fakalelei ātili te olamālōlō o tagata Niuhila uma ma lagolago ki he tamaokāiuga olaola lelei e galue mō tagata uma.

Ko nā kogāfenua uma e tatau ke fakamālohia ka ke manuia. E i ei te tātou āvanoa fakafokotahi i te ōlaga kātoa heāheā maua ke fai ai he hihitemi ke mafai ai ia akoakoga ma koleniga o te kogāfenua e i ei hana takiala lelei tūmau tau atunuku ma fakamāhani ke fetau ki gāluega o te vai taimi nei ma te lumanaki. Ko tau fakahoa mai ki te ata o te hihitemi fou e tāua lahi lele ma kā fakaaauu pea i te hūiga kātoa tēnei.

### Fokotahi te hihitemi o nā mea tau akoakoga mō gāluega faka-tekinihona ma fefakatauakiga kā:

**fōki ki nā tino akoako uma te akoakoga ma koleniga e fiamaua e kilātou mō nā gāluega**

**fakamuamua nā tino akoako i te hihitemi e hē lelei i te taimi nei**, kae maihe lava ia Māoli, tagata Pahefika, tino e hē kātoatoa lelei te mālohi ma nā tino e māulalo te lēvolo o nā akoakoga muamua

**fōki ki nā falefaigāluega he āvanoa lahi ki he kaufaigāluega kua i ei te poto ma te iloa, ma hāuni mō nā gāluega** i nā kogāfenua uma o Niuhila

**fōki ki gāluega gaohi mea te taki** ke mautinoa ai ko te kaufaigāluega a Niuhila e fetau ki nā manakoga o te vai taimi nei ma fakamoemoega mō te lumanaki

### Heā te uiga o te mea tēnei mō koe

- » Mō te taimi nei, ko nā hūiga e hē huia he mea mō koe.
- » Ko nā hūiga e mataloa ma ko te fakahologa o nā hūiga e pulepule fakalelei.
- » E mafai koe ke fakamau tō igoa i nā mea tau akoakoga mō gāluega faka-tekinihona ma fefakatauakiga ma koleniga e vē ona māhani ai koe, aofia ai i loto o nā polokalame o tauhaga tuku fakatahi (multi-year programmes).
- » Ka mafai koe ke fakaaauu ke akoako e hē tāofia.
- » I te lumanaki, ka i ei ni fakaleleiga e lahi i te tūlaga o tau akoakoga, aofia ai:
  - fakalelei te fakamautūga mō te vāega o akoakoga
  - nā auala e faigōfie ai ke mālamalama ma fakauli ka koi peleni koe ke ako ni hikili fou, toe koleni pe fakalelei nā hikili mō gāluega
  - lahi atu ni auala ke maua ki tūlaga maualuga o te akoako i te gāluega ma fakalāpotopotoga a falefaigāluega fakaopopo ki nā akoakoga i fafo o te gāluega
  - te mafai ke gāoioi i te vā o te gāluega ma te koleniga i fafo o te gāluega ma te akoako i te kupega tafakilagi, ma faigōfie atu ai ke hikitia ki hētahi kogāfenua i Niuhila.



**fakamautinoa ko nā kogāfenua uma o Niuhiā e i ei te loto gālulue fakatahi, fehuihuiaki, fai māfaufauga fou ma tūmau mataloa o nā kaukaunaga**

**fau i luga o te tūlaga takulelei o Niuhiā i te vā o mālo** ma ko he kogāmea lelei lahi ke akoako

**ke fetukunaki i te agānuku** ma tino akoakoako i te gāluega ma nā nofoaga o nā Univehite pe ko kolihī (on campus), kae maihe lava ki Māoli ma tagata Pahefika

**fehoahoani ki tupulaga talavou ke faigōfie te hūiga** mai te kolihī ki ni gāluega lelei ma koleniga pe ko nā akoakoga i he tūlaga mauuluga ma te kupega tafakilagi pe ko nā nofoaga o nā Univehite pe ko kolihī e tālāfeagai

**lagolago ki tagata uma ke fakaauau nā gāluega** ke mautinoa ai e ia te kilātou i taimi uma nā hikili fou, ma talāfeagai iēia e fofou ki ei nā falefaigāluega i te toe koleniga, fakalelei ma toe ako nā hikili

**fehoahoani ki fānau** ke fakamautinoa ko tagata uma i te kāiga e mafai ke maua uma ni totoģi, e ui lava ka koi fakaauau ā lātou akoakoga i nā hikili fou ke fehoahoani ai kia te kilātou ke āgai ki mua i ni gāluega tauī hili atu te lelei.

## Heā te tonu a te Mālo kua fai

Ko te Hūiga o nā mea tau Akoakoga mō gāluega faka-tekinihona ma fefakatauakiga (Reform of Vocational Education) e fakaavanoa ai nā tino akoako ke ako mō ni tuhipāhi e kavatu ki Niuhiā kātoa, ma ke fakamautinoa lahi ko kilātou e fetauī ma te tūlaga o nā gāluega gaohi mea pāhia, ma te tūlaga o fakaakoakoga mauuluga lelei ma lagolago akoako.

Ko nā hūiga fakapitoa na fakaleo e te Minihitā o Akoakoga i ā Aukuho 2019 iēnei:

1. *Fai he Workforce Development Councils (WDCs)*: E tuha e fā ki te fitu ia fakalāpotopotoga pūlea nā gāluega gaohi mea (industry-governed bodies), e kavatu e kilātou he takitakiga hili atu te lelei o nā gāluega gaohi mea (industry) i nā mea tau akoakoga mō gāluega faka-tekinihona ma fefakatauakiga.
2. *Fakatū he Regional Skills Leadership Groups (RSLGs)*: RSLGs e kavatu ni fautuaga e uiga ki nā hikili e manakomia i ō lātou kogāfenua ki te Tertiary Education Commission, WDCs, ma nā tautuaga a nā mea tau akoakoga mō gāluega fakapatino i te pitonuku.
3. *Fakatū he Te Taumata Aronui*: Ko he kulupu ke fehoahoani ke fakamautinoa ko te Hūiga o nā mea tau Akoakoga mō gāluega faka-tekinihona ma fefakatauakiga (Reform of Vocational Education) e iloa ai te tauhihi ma te fakamāoni o te Mālo ki te Māoli-Kalauna fakapāga (Māori-Crown partnerships).
4. *Fai he New Zealand Institute of Skills & Technology (te Fakalāpotopotoga)*: Ko he fakalāpotopotoga mō tagata uma o nā mea tau akoakoga mō gāluega faka-tekinihona ma fefakatauakiga e maua e nā kogāfenua e fuhi fakatahi ma tūmau mataloa, ma tuku fakatahi ai nā fakalāpotopotoga tekinoloti ma politeki e 16 e i ei nei (ITPs).
5. *Kave te tiute o te lagolago i luga o te gāluega akoako (on-the-job learning) ma i te fakalāpotopotoga o koleniga mō gāluega gaohi mea (industry training organisations –ITOs) ki nā tautuaga*. Ko te Fakalāpotopotoga ma iētahi tautuaga e lagolago te koleni i luga o te gāluega (on-the-job training) e vēia ko nā apelenitihī (apprenticeship) ma nā tinokoleni akoako vē nā ma te kavatuga o ni akoakoga ma koleni i te tūlaga i fao o te gāluega (off-the-job settings), ke maua ai te tukufakatahiga i te vā o nā tūlaga ma ke hohoko lelei ma nā manakoga ō gāluega gaohi mea.
6. *Fakatū te Centres of Vocational Excellence (CoVEs)*: CoVEs ka kaumai fakatahi ai te Fakalāpotopotoga, iētahi tautuaga, WDCs, tagata poto i gāluega gaohi mea (industry experts), ma nā tino hukehuke taulāmua ke matuā fakatuputupu lelei te tūlaga o mea tau akoakoga mō gāluega faka-tekinihona ma fefakatauakiga, ma fakahoa he kalikalamu māualuga ma lelei ma he ata fuafua i te hihitemi.
7. *Tukufakatahi te hihitemi fakatupega mō nā mea tau akoakoga mō gāluega fakapatino*: Ko he hihitemi fakatupega tukufakatahi e kave ki nā tautuaga fakatū ma akoakoga opo fakatahi ma gāluega (work – integrated education) uma i te levolo 3 ki te 7 o te fakailoga tuhipāhi ma te tīpoloma (e hē i ei ai te ākoga tīkelī) ma nā koleniga gāluega gaohi mea uma.

## Heā te uiga o te mea tēnei mō koe?

Ko nā hūiga e mataloa ma i te taimi o te hūiga ko mātou kā gālulue ke fakamautinoa ko te hihitemi fou e i loto ai ia tagata Pahefika ma tino akoako mai tūlaga o vāega uma. E mafai koe ke fakaaauau ke tuhi tō igoa i nā mea tau akoakoga mō gāluega faka-tekinihona ma fefakataukiga ma koleniga ma akoako e vē ona māhani ai koe, e aofia ai i nā polokalame opo fakatahi nā tauhaga (multi-year programmes). Kā mafai koe ona fakaaauau tau akoakoga e hē tāofia ma, āgai ki mua, e ono mafai koe ke kāmata fakalogo e uiga pe vēhea ia tagata Pahefika ona kaukauna lelei atu ki ei e te hihitemi.

Akoakoga Univehite ma Politeki hēai he Tupe Totogi, (Fees Free tertiary education), ma nā fehoahoaniga tau tupe e maua i te StudyLink kā fakaaauau pea.

I te lumanaki, kā i ei ni fakaleleiga e lahi i tō poto māhani akoako. Ko te lahi o nā hihitemi opo fakatahi e fetau lelei atu ki nā tino akoako Pahefika, ō lātou kāiga ma komiuniti, na lea mai i nā talatalanoaga na fai o te fakaleleiga e vēia ko kilātou e fofou ke faigāluega ma maua he tupe ke tauhi ai ō lātou kāiga, na i lō te akoako i te taimi kātoa (full-time).

Ko te lahi o ni akoakoga ki nā gāluega fakatonutonu ka mafai ke maua ke iloa ai te tiute tāua o nā komiuniti e fai i te lagolagoga o te manuia o tino akoako Pahefika ma kaumi ni āvanoa ke fuafua fetau ma lagolago mō tino akoako e te vāega iēia kua i ei nā hikili, poto ma mālamalama i nā mea tāua ma agānuku o te Pahefika.

Ko te hihitemi fou kā fai i luga o te tūlaga o nā mea e galue lelei mō tino akoako Pahefika i te taimi nei ma ko te hihitemi fakatupega fou ka fakamālohia ai foki nā fakalāpotopotoga o nā mea tau akoakoga mō gāluega faka-tekinihona ma fefakataukiga ke kikila patino ki nā manakoga o tagata Pahefika.

Ko nā hūiga o nā mea tau akoakoga mō gāluega fakapatino ka taku mai ai te totoka lelei lahi mō fakalāpotopotoga o tekinoloti ma politeki i luga o vāega uma o Niuhila. Ko nā auala kā faigōfie ke maua, fakauli ma mālamalama ka koi hakili ē koe ke akoako ni hikili fou, toe kolēni pe fakalelei nā hikili mō gāluega.

Ko he tino akoako, tino kolēni pe apelenitihi (apprentice) i te falegāluega, kā lahi atu te maua e koe ni āvanoa ki nā uiga lelei māualuga o te akoako i te gāluega (on-the-job learning) ma fakalāpotopotoga a falefaigāluega fakaopopo ai ki nā akoakoga i nā Univehite pe ko kolēni (on-campus study). Ka mafai koe oi gāoioi i te vā i luga o te gāluega, fafo o te galuega, ma akoako i te kupega tafakilagi, ma faigōfie atu ai ke hikitia ki hētahi kogāfenua i Niuhila.

## Heā te ka hohoko mai?

Ko he kulupu faufautua a hitekihola (stakeholders advisory group) kā fakatū ke fehoahoani ke fakamautinoa te faiga hili atu te lelei i te gālulue fakaaauau ma hitekihola (stakeholders), e aofia ai ia tino akoako Pahefika, ō lātou kāiga ma komiuniti, ke fehoahoani ke fakatino te atiakega fakaaauau o te hihitemi fou o mea tau akoakoga mō gāluega faka-tekinihona ma fefakataukiga.

Kāfai koe e fofou ko mātou ke fakafehokotaki hako atu kia te koe, fakamolemole haini loa mō ni iētahi fakamatalaga ma ka lafo atu e kimātou ki a te koe nā fakamatalaga māhani, nā fakamatalaga e uiga ki te fakahologa o nā hūiga, ma pe vēhea ona fakatahi mai koe ki ei ka koi fakaholo te faiga o nā mea.

[Haini loa ki te mātou niuhileta \(newsletter\) e maua ai nā fakamatalaga uma.](#)

**Mō ni iētahi fakamatalaga o te Fakalelei o mea tau Akoakoga mō gāluega Fakapatino (Reform of Vocational Education), ma te fakahologa kātoa o te laupepa o fakamatalaga moni, e aofia ai te 'Heā te uiga o te Fakalelei o mea tau Akoakoga mō gāluega Fakapatino mō tamaiti ākoga' laupepa o fakamatalaga moni, fakamolemole fano ki te [Education Conversation - Talanoaga Akoakoga.](#)**